

別

雅

訂

讀四庫書目稱許此書甚至求之多年不得問李  
芝齋先生則云舊有一本後失去遂不復見據向  
御書樓傳鈔未能也歲甲辰入都張石舟持此相示  
云山陽丁柘唐所贈揚州新刻本也讀之如獲異珍  
石舟屬爲校勘因攜歸越乙巳石舟復以一本見寄  
輒兩本並校以其一歸石舟有柘唐送石舟書原札  
三片乞而存之以當潤筆可乎八月四日瀚記  
柘翁與石舟書云先生自言少作不足存見茶餘客  
話瀚案委蛇變體先生所著金石存疑少時創稿隨時  
餘事然則此書固在金石存後矣疑少時創稿隨時  
增益更訂未盡耳不盡少作也書中論段啗處或極  
室或極通明非一時作今據其通者以通其室舉一  
反三則無往弗通此書誠不可沒哉

許印林師選於經學小學校勘諸書無不折中至當  
所訂別雅會以一本歸張石舟先生石舟歎其精覈  
絕倫與王萊友先生所校衆經音義爲齋中雙壁  
齋所藏今不可問兵燹後此本幸存光緒元年九月  
潘伯寅先生欲刻吾師遺書時良善方校刊通鑑綱  
目行篋僅有此書原稿乃繕寫編次每條上加案字  
以別於吳氏原注編成題曰別雅訂訂平議也吾師  
批校此書折中至當允得其平也其曰壽昌案者乃  
家柘翁長子給諫公注也良善校刊少暇又學淺不  
能悉校編次時附注一二而已草創若此乞伯寅先  
生鑒定之日照丁良善謹識

別雅訂卷一

淮安山陽吳玉搢比輯沂州日照許瀚校勘

祝誦祝融也漢武梁祠堂畫象碑祝誦氏無所造為

未有者欲刑罰未施緣釋云以祝誦為祝融按融誦

二字其可通之蹟古無可考或以聲近借用或漢時

經典傳本有如是音未可知也

**案**即此可據不必更尋其蹟古假借全在聲聲近斯

為假借無疑

穹桑空桑也呂覽伊尹生於穹桑春秋緯少昊邑於

穹桑即空桑也字彙補云今雲南縣名浪穹土音為

浪空蓋穹空二字音近故或通用

**案**考工記釋人穹者三之一鄭司農云穹讀為志無

空邪之空詩白駒在彼空谷西都賦注引韓詩作穹

谷辭君曰穹谷深谷也瀚謂空穹深一聲之轉東蒸

侵音最近空東部穹蒸部古音最近而微異秦漢

以來始通為一司馬相如營作芑與此同例

公正工正也漢陳球碑生公子完適齊為桓公公正

隸釋云陳敬仲至齊為桓公工正掌百工之官也而

此作公蓋是借用

**案**詩矇矇奏公楚詞懷沙注引作奏工

蓬門蓬門蓬蓬蓬蓬蓬也荀子王霸篇呂覽聽言篇作

蓬門淮南子漢書王褒傳作蓬門七畧作蓬蓬即蓬

蒙也蓬蓬字近門蒙聲近

案蓬蓬聲同門蒙聲轉

鴻水洪水也漢石經尚書洪範篇伊鴻水曰鴻陳

其五行史記河渠書禹抑鴻水荀子成相篇禹有功

抑下鴻皆以鴻爲洪按洪大也鴻亦有大義故二字

通用

案不重在義之同

赤誦子赤松子也淮南子齊俗訓赤松子作赤誦子

案漢鏡銘有之

扶容芙蓉也後魏孝文帝弔殷比干墓文電扶容

之萌裳電即曳字扶即芙字前亦有扶字義當作扶

李仲庭碑南陽寺碑扶疎字皆作扶疎此乃借扶爲

芙也茹即葩字此碑字體宛變百出意皆當時俗書

六書之所不載今擇其少近理者畧記數字餘不勝

錄也

案近於沂州得隋開皇廿年造神橋碑有云西懷芙

蕭之山蕭字不見於字書當即芙蓉字鈕樹玉曰漢

書司馬相如及揚雄傳中夫容並不加艸博雅玉篇

已作芙蓉

從迹縱蹟蹤蹟也

漢書張湯傳從迹安起師古曰從

讀曰縱又按蕭何傳發縱指示師古曰發縱謂解經

而放之也縱子用反而讀者乃為蹤蹟之蹤非也書

本皆不為蹤字自有逐蹤之狗不待人發也師古讀

縱如本字譏讀蹤者為非然考漢人書蹤字類多作

縱如夏承碑云紹縱先執郭仲奇碑云有山甫之縱

又云嶽縱顯魯峻碑云比比縱豹產園令趙君碑云羨

其縱外黃令碑云莫與比縱皆以縱為蹤是二字在

漢人固自通用師古之言未盡然也

案說文從隨行也則從即蹤迹正字縱已是假借蹤

直俗字耳故徐鼎臣不收入新附特於輊下表出之

至徐以輊為正字亦非也輊訓車迹乃分別文

曲紅曲江也漢周憬功勳銘自瀑亭至乎曲紅一由

此水又碑陰率曲紅者一人貫曲紅者十六人隸釋

云兩漢書皆作曲江諸家地理書皆云水流屈曲故

曰曲江惟水經云縣昔號曲紅山之名也未知水經

何據現邪代醉編宋翌云曲江周府君碑江字皆作

紅古字簡故以紅為江此亦臆說漢時不得無江字

也後有蒼麓碑江夏亦作紅夏疑好奇者學漢碑字

法用之耳

案本無其字依聲託事假借之正也既有其字同聲

相代假借之變也要皆是假借其理全繫乎音

四肢四肢也說文肢體四肢也玉篇體四肢手足也

淮南子修務訓故自天子以下至於庶人四肢不動

思慮不用事治求賄者未之聞也肢乃肢本字

案肢為或體當並引之

逶迤蛇逶迤委佗遺蛇委佗倭遲倭夷威夷威遲郁

夷稗隋逶迤律隋律它倭他委移委陀歸邪臨倚楚

徠委維委遠靡區遠逶委也蟬逶蟻逶踰逶委蛇蒲

逶委蛇也通雅曰左傳引詩委蛇蘇秦嫂委蛇蒲

伏索隱曰面掩地而進若蛇行此緣國策作蛇行蒲

伏蛇音移言逶迤也蟻蛇澤鬼紫衣朱冠齊桓所見

古人原以逶迤之狀名之猶莊子山有夔野有方皇

亦以徠徠名鬼也後因加虫作蟻蛇豈可反本此說

以解逶迤邪漢書禮樂志旗逶迤蛇西京賦聲清暢而

蟻蛇莊子作逶蛇韓詩作逶迤任光邳彤贊委佗遲

旅東方朔傳遺蛇其迹郝氏謂即逶迤智亦以遺讀移

則與下複古時遺從貴必有餽聲今用遺蛇為逶迤

猶揚雄用遲遲為後遲也後漢儒林傳服方領習矩

步者委宅乎其中註曰宅音逝詩周道倭遲與倭遲  
同釋文作周道倭夷艱難賦賦賦賦賦賦賦賦賦賦  
詩文選註周道倭夷艱難賦賦賦賦賦賦賦賦賦賦  
雅釋賦賦賦賦賦賦賦賦賦賦賦賦賦賦賦賦賦賦  
漢書地理志右扶風有郁夷縣註師古曰詩曰周道  
倭遲韓詩作郁夷字言使臣乘馬行於此道王伯厚  
詩攷載韓詩外傳韓詩即倭遲又衡方碑陰逢盛碑皆  
即詩委蛇在公也考隸釋有之費鳳碑陰逢盛碑皆  
作倭遲方子謙引石經作倭遲又作倭遲爾雅音義  
引倭宅李鉉字辨作倭他離騷經載雲旗之委蛇一  
本作倭宅李鉉字辨作倭他離騷經載雲旗之委蛇一  
遵江曲之委移韓愈詩委陀結糾亦即倭遲字郎氏  
字說曰天官書說歸邪讀如委蛇言其狀倭遲也說  
文陶鄭地坂也許為切阿上黨坂于離切則二坂亦  
以地形倭遲而名趙搗謙卒於嶺南有遺文在東莞  
張氏內用倭徙漢豈以婁壽嚴發碑皆有倭字邪智謂  
何必據漢碑按漢書得倭衡門古從彳者亦從彳又  
山海經赤水東有蒼梧之野舜與叔均所葬也爰有  
文貝離俞鳥久鷹賈委維郭璞曰委維即委蛇也爰有  
周禮天官掌舍為壇墠宮棘門註王行止宿平地築



壇又委墟土起簪將以爲宮徐廣音墟爲羊誰反則  
委墟音義與委逌通又玉藻曰疾趨則欲發而手足  
毋移註移之言靡區也疏言謂靡區指動也言疾趨  
則不必翔步逌逌紆徐矣古靡如微徵字中原讀如  
禕則靡區亦逌逌之聲也依戴合溪作逌逌依魏子  
才作委○依說文長箋則作螭螭又按易林大  
壯之鼎曰長尾陵陸其師之成長尾螭蛇一首與之  
同文以螭蛇証陵陸則讀逌逌以狀長尾螭蛇可知其經  
下叶思字中叶河字蓋古蟻蟻通多有移音則何讀  
奚明矣洪景廬言逌逌有十二變升菴轉註古音委  
蛇字下云韻會未盡故廣之止有八變方子謙所列  
十有七變楚望止收十變智今舉所知凡三十二變  
指按委蛇二字自洪氏聚其類於前方氏盡其變於  
後亦可謂搜索無遺矣乃今考之則更有出三十二  
變之外者亦可知載籍極博真難以耳目盡也博雅  
載隄險也與辟君註文選威夷同枚乘兔園賦卷露  
委移亦與委蛇同戰國策出遺遺之門註言其路逌  
逌也管子樞言篇遺遺乎若有從治正字通遺遺與  
委移通謝靈運詩委蛇委蛇委蛇委蛇委蛇委蛇  
隄山海經有神焉人首蛇身名曰延維郭璞註作委

蛇漢唐扶碑在朝遷隨劉熊碑卷舒委道二碑皆以

隨爲巡而趙又隨之變體爾

案委蛇異文愈搜愈多吳君金石存引容齋十二變

又引衡方祿隋唐扶遷隨劉熊委道枚乘賦晏移博

雅賦陝字書螭連城連陽岡以益之云洪公攷之未

盡也棲霞牟農星房又據莊子應帝王篇傳遺蛇儒林

而委蛇列子黃帝篇作倚移及東方朔傳遺蛇儒林

傳委蛇以益之云吳山夫攷之亦未盡也今案吳君

此書據通雅三十二變而又自爲增益牟君所舉三

事已有其二惟列子倚移一條未及耳然惟此條旁

通益廣不可遺也案列子倚移當卽周禮註說文之

倚移考工記旣建而迪苗栗不迪鄭司農並云迪讀

爲倚移從風之移賈疏司馬長卿上林賦倚移從風

今史記作旖旎漢書作倚旖旎文選作旖旎旖旎旖旎

引張揖云旖旎旖旎旖旎旖旎旖旎旖旎旖旎旖旎旖旎

注旖旎旖旎旖旎旖旎旖旎旖旎旖旎旖旎旖旎旖旎旖旎

雅隱桑有阿其葉有難又作阿羅商頌猗與那與又

作猗那說文禾部移禾相倚移也从部施旖旎旖旎

旖旎旖旎旖旎旖旎旖旎旖旎旖旎旖旎旖旎旖旎旖旎旖旎

旖旎旖旎旖旎旖旎旖旎旖旎旖旎旖旎旖旎旖旎旖旎旖旎

旖旎旖旎旖旎旖旎旖旎旖旎旖旎旖旎旖旎旖旎旖旎旖旎

好貌三十四果墮倭墮髻也集韻三十三哥嬰嬰娜  
弱態侈旃旃旌旗貌或作旌三十四果礫礫石貌  
探探扼摘也墮倭墮髻貌妮妮好貌或作婧一切  
經音義二十透迤又作迤同於危切下又作佗同達  
羅切說文透佗佗行去也鈴蟻同於危切下又作佗同達  
詩云透透佗佗德之美貌也傳曰透陀者行可透曲  
迹也亦自得之貌也梓梓當樣字詁古文真棲二  
形今作阿同鳥可切下古文棲移二形今作那同乃  
可切字書可辟跡棲柔弱貌也亦艸木盛也又列子  
楊朱篇澤雅齒媛婿者郭璞江賦隨風荷萎皆委蛇  
阿那之異文蓋委蛇阿那二者變體最多而萎蛇阿  
那又二而一者也故其變益蕃今於通雅三十二變  
及吳君所增五條外又得三十二條計共六十九條  
矣然仍未能盡也異日續有所得當補列於後編獨  
斷衛士冠前圖吳制還進四重廣雅釋訓委蛇寢寢  
也今本作透衰王氏疏證據一切經音義三引皆作  
寢邪訂正詩羔羊釋文作委蛇楚詞九歎遵江曲之  
遙移又云帶隨虹之遙地史記滑稽傳汚邪滿車說  
文寢汚寢下也周禮形方氏無有華離之地鄭註華  
讀爲瓜寢之瓜正之使不佩邪離寢以上三條皆寢

表之異文亦即委蛇之異文  
移艮華案文選洞簫賦注又荷  
刑儀型也漢楊信碑追念義刑  
王碑正用此語而省儀作義者蓋以義亦有儀音故

以同音相假也毛晃增韻云詩大雅文王宣昭義問  
周禮地官調人凡殺人而義者不同國命勿離史記

吳大伯爵世家君義嗣王肅曰義宜也並音儀  
案古威儀字作義碑用本字非省也

案離婁也字典與離婁古明目者孟子作離婁

參差參差柴池傑池柴麗參差也  
參差荇菜楚詞九歌吹參差兮誰思註參差洞簫一作簫瑟說文引詩周南作

翼參差說文參差也風俗通舜作簫其形參差象鳳  
書司馬相如上林賦柴池此麗張揖曰柴池參差也

齊貌也柴音初蟻反麗音豸四字合用宜非一意故  
註家音亦不同然細按之寔無甚分別也即上林賦

之莊麗亦猶之乎參差耳賦家多用疊字大率如此  
案柴池傑池柴麗三項乃差池之別亦作蹉跎似當

與參差劃而爲二 張釋其意耳非謂柴池與參差

同字

不顯不顯也 不字音攀悲切通爲丕張參曰石經作

丕書曰丕顯丕承詩曰不顯不承舊說以爲豈不顯

乎仍是豈不顯不韓之見解耳泰和鐘銘不顯皇祖詛

楚文曰不顯大沈久湫不顯大神巫咸不顯大神惡

駝最可驗者大詰爾丕克遠省陳士元曰丕馬融作

不蓋二字形近而音亦相通故多借用概以本字釋

之誤矣 艮善案許氏說假借曰本無其字依聲託

事令長是也此言聲兼事也然先曰依聲則聲同斯

爲假借事之虛實有無相類相反者皆隸焉如有無

之無本繁無字極有也之反爲人凶非同聲不得

借也乃借無字是義相反而虛實通用也不鳥飛上

翔不下來也從一猜天也至鳥飛從高下至地也

從一猜地也二字正相反而義亦通至訓極不亦

可訓極上至天下至地其極一也故不顯當訓爲至

顯然以義通即轉注非假借矣必依聲作不乃爲假

借之正郭不亦然但託事異耳蓋假借聲先乎字聲

有定故曰依事從乎聲事無定故曰託也其箸於篇

章也讀者望文即見如讀子曰字知子爲夫子此傳

卑相反之借也讀爾女字知女非男女此虛實之借也故有無不作繁無解不顯不作非不解要之音同而義自通也令長亦然古人用字之妙猶見於經典及先秦金石文字至於無作釋不作丕乃後起之分

别字非本有也  
不台不怡也  
史記序傳諸呂不台徐廣曰一日台怡

也  
案並不為百姓所悅也台與怡義通  
其子箕子也  
見後魏孝文皇帝弔比干墓文

案易菱滋宜采

臨舊臨潛也  
漢武班碑齊國臨舊即臨潛也漢書地

理志惟苗其道師古曰苗字或作漕古今通用也廣

韻舊同苗舊與苗同漕又苗漕通故漕遂作舊湯者景

君碑陰齊國臨舊斥彭長田君碑自齊臨舊皆同

案此變體非假借  
良善案說文無漕字周禮作漕

地理志作苗苗同字從木乃後人分別字

吝茲也  
魏孔羨碑吝可謂命世大聖千載之師表者

已字原云義作茲按爾雅釋詁茲斯吝告已此也邢

昺疏云吝與茲同此類本非别字然用之既少見者

駭目不別而別矣

〔案〕咨訓此與故同義碑正用此義非必以咨代茲也

琴 暉 琴 徽 也 陳氏樂書琴暉論曰琴之爲樂絃合聲

以作主暉分律以配臣自古暉十有三俗傳暉作徽  
墨之徽誤矣又文獻通攷亦載琴十有三暉皆不作  
徽也

〔案〕暉徽之通亦猶揮徽之通陳氏之說恐不必然漢

書楊雄傳高張急徽註徽琴徽也未可云俗況徽由

微得聲原在脂部暉由軍得聲本轉部字後世音轉

入脂則徽暉孰先孰後孰正孰借自可推矣

十 韋 十 國 也 漢書成帝紀大風拔甘泉中大木十韋

以上師古曰韋與國同又墨子貴義篇國心卽達心

蓋古字韋國達三字義通

〔案〕仍是音同 史記周本紀麋鹿在收蜚

鴻 鴻 飛 鴻 也 蜚 飛 飛 也 蜚 古 飛 字 又 楚 世 家 三 年 不 蜚 蜚 將

蜚 沖 天 漢 書 王 莽 傳 夏 蝗 從 東 方 來 蜚 蔽 天 師 古 曰

蜚 古 飛 字 也 漢 韓 勅 後 碑 蜚 於 蒼 天 張 公 神 碑 駕 蜚

魚 夏 堪 碑 魂 蜚 揚 皆 以 蜚 爲 飛 漢 書 楊 雄 傳 河 東 賦

雲 蜚 雲 而 來 迎 兮 師 古 曰 蜚 古 飛 字

案疑霓飛即霏霏

飛

選肥選也

又選曹植七啟飛選離俗後漢書張衡

思玄賦欲飛選以保名似金陵攝山碑額懷飛選

皆用易選卦肥選語而皆以飛代肥或所見有此異

本爾淮南九師道諷口選而能飛吉孰大焉無弱侯

云肥古作此與巷相似後世譌為肥此說向未可據

案明陳季立古音說惟弱侯能解而其自立說乃復

如是

圻招祈招也

子貢詩傳小正傳第二章有圻招道穆

王西征祭公達民怨以諫賦此詩申培詩說日穆王

西征七萃之士咸怨祭公謀父作此詩以諷諫今左

傳一針作祈招祈圻形聲皆近古人傳本不同也招

音韶

案大受豐氏欺瞞而字理絕是豐氏固通字理人也

庶

趨庶幾也漢費鳳別碑庶幾昔子夏隸釋云以趨

為幾按字書無趨字惟玉篇有趨

案玉篇亦字書語未分明良善案碑作繼從是此

誤從走故與玉篇無別

扶

於扶疏扶蘇扶胥扶疎也

史記司馬相如上林賦

垂條扶於郭璞曰扶於猶扶疎也五臣本竟作扶疎



疎乃俗字故李善本改作扶疏註引說文曰扶疏四  
布也呂氏春秋曰樹肥無使扶疏急就篇顏本扶疎  
端拱本作扶疏詩鄭風山有扶蘇子貢詩傳作扶胥  
蓋古於疏胥蘇皆相通猶姑蘇亦作姑胥古帝王有  
扶蘇氏亦作赫蘇氏也又李仲瑛碑南陽寺碑皆作  
案李注上於顯慶五臣注上於開元李何由緣五臣

疎菜蔬菜也荀子富國篇然後輩菜百疎以澤量註

案疏本字蔬後起字良善案疎隸變字

時踞避仁遲踞脚也說文踞註時踞不進也宋書

樂書引鄭歌羅敷行五馬立時踞富嘉謨色威用遲

仁茅山碑用遲踞義皆同又有作踞跡踞跡者良

善案文選文賦始踞踞於燥吻李善注廣雅曰鄭踞

踞跌也鄭元毛詩箋云志往謂踞也踞與躡同踞

而此如此也戰國策威王不應而此者三按古而如

二字通用無別漢書五行志引左傳雄松星隕如雨

如而也星隕而且雨晉書禮志引左傳夫婦所生若

如人先守某公之遺文若如人今左傳義針皆作若而人漢武榮碑仁如不壽郭輔碑其長也寬舒如好施堯廟碑無為如治又故能高如不危滿如不溢靈臺碑咸赤靚交如生堯皆以如為而至國策之而此

則以而為如故相反如此

**案**如而互假六朝碑尚多有之二字古不同部然詩

民雖靡靡周原靡靡韓皆作牒蟻蟻以母韻兩蓋之

魚二部自有轉音相通之理

且溺沮溺也

且本有沮音此或借同音之字或所見本有不同也

**案**其不同之本仍起於音

便宗濡術儒宗儒術也漢魯峻碑學為便宗按說文

便弱也類篇云與便同碑用以為儒字衡方碑少以

濡術堯廟碑濡術之宗復以湏為儒古人形聲相近

之字多通用無別此即假借轉注之義也今人不知

此理始株守一字以為一義然日用尋常之字其非

本義而轉假通用者不可勝數學者童而習之不以

為怪耳

**案**假借專以音轉注專以義此說假借轉注雖分析

未精細而大意已通

胡蓋珊瑚蓋也左傳哀針仲尼曰胡蓋之事則嘗聞之

矣註胡蓋禮器夏曰胡蓋與珊瑚同

案卽魚簋

圖乙塗乙也

史記滑稽傳東方朔初入長安至公車

上書凡用三千奏牘公車令兩人共持舉其書僅然

能勝之人主從上方讀之止輒乙其處讀之二月乃

盡謂以筆鉤斷畫止也宋開寶六年命盧多遜扈蒙

張滄參詳長定循資格塗註乙二十條李義山韓碑

詩點竄堯典舜典字塗改清廟生民詩唐門下省給

事中凡百官奏鈔侍中既審則駁正違式詔旨有不

便者塗竄而奏還謂之塗歸李藩所爭是也天聖二

年陳從易等校太清樓十代興亡論妄加塗竄降職

歐陽公詩譜補亡序增損圖乙改用圖揚用修謂塗

乙讀爲塗點後譌作塗註亦非觀開寶之分塗註乙

爲三則乙不得讀爲點矣

案升菴不明古音故爲此誤說

歎歎鳴呼也漢仲秋下旬碑歎歎愀愀卽鳴呼字樊

敏劉曜碑皆同

案景君碑歎歎亦卽鳴呼水仙操歎歎卽鳴吟古從

口從欠多互用此則以義通也

戶孫烏孫也淮南子地形訓五位南方之極自北戶

孫之外賈顯頊之國戶孫即烏孫國也

案此條須詳考

秦誓播棄黎老黎元黎民也黎民字本作黎耆

山碑羣黎百姓造橋碑海育黎元皆用黎校官碑惠

我黎蒸又加草作藎以及諸碑中凡黎陽字亦皆作

黎無作黎者民善案魏受禪表聖物與黎同孔宙

碑及東海廟碑揚善碑楊統碑皆作勑即黎之變體

不得謂無作黎者荀子禮論篇哭泣諸號註諱音啼管子

諦號啼號也

大匡篇豕人立而諦從口從言其義本通

案此以義通

先施西施也戰國策魯仲連謂孟嘗君曰君後宮十

如皆衣精粒食梁肉豈毛膚先施哉文選枚乘七發

使先施微舒陽文段干反古人言先施者即西施也

古西字有先音尙書大傳云西方者何先方也漢書

律歷志少陰著西方西遷也又禮樂志郊祀歌象載

瑜白集西食甘露吹榮泉以西與泉叶後漢書文苑

傳趙壹窮鳥賦幸賴大賢我吟我憐昔濟我南今振

我西以西與憐叶江淹寄耶三公詩昔我學冠劍逢  
君在三川何意風雨微一訣異東西以西與川叶是  
西有先音厯厯可証故西施亦稱先施也至西之所  
以得與先通則其理不可考矣

案從西得聲之字曰里從里得聲之字曰禪

淫閭理甄從甄得聲之字曰蠶以此求之其理自著  
迴祿同祿也見石壁寺鐵彌勒頌

財成裁成也才之幾之也

易泰卦后以財成天地之

道釋文財荀作裁爾雅釋言疏財裁言義同漢書張

安世傳唯天子財哀以全老臣之命師古曰財與裁

同言裁度哀憐之也史記酷吏張湯傳上財察漢書

張湯傳作裁察史記魏其侯傳輒令財取為用蘇林

曰合自裁度取為用也皆以財為裁戰國策惟王才

之又以才為裁皆假借也

案裁我聲我才聲故與財才通

裁足財足幾足也郭旻碑雖立碑頌裁足載字字原

云與幾同漢書高惠高后文功臣表裁什二三師古

曰裁與幾同又史記孝文本紀太僕見馬遺財足漢

書杜欽傳通為小冠高廣財二寸揚雄傳羽獵賦序

財足以奉郊廟孫叔敖碑陰各遺一子財八九歲財皆同纔又晉書謝混傳才小富貴便疎人家事才亦

與纔同

案裁才皆有初始義惟纔訓帛雀色一日微黑色如紺纔淺也讀若裁孫恂音士咸切音義皆與裁才遠不知何由轉爲初始正字六書故謂色之淺引之則爲甫爾亦強爲之說卽令如此何得並冒才音也此音義錯亂最無理者

陪鰓毳毳毳毳也

文選潘岳射雉賦敷藻翰之陪鰓

卽毳毳也說文本無二字廣韻作毳毳又有作毳毳者音義亦同

案鰓毳同部毳毳則涼矣蓋之脂支三部旣亂以後之字

悛悛逡逡悛悛也

史記李將軍傳贊悛悛如鄙人漢

書李廣傳贊作悛悛讀書通云悛與悛同又祝穆碑云鄉黨逡逡今論語作悛悛又劉修碑云鄉黨逡逡加也蓋當時書多口授四方語音不同故各以其聲之相近而意之可會者傳之無定本也

案所以有其字而假借者

風別分別也

周禮秋官士師註辯讀爲風別之別下

文傳別註亦同風別卽分別蓋古人讀風有分音因  
書分遂用風字今山西及旌德人皆讀風如分蓋古  
有此音升菴云風古孚金切詩駉韻可據

案升菴所云孚金切眞古音也引爲風別之証則相

去甚遠

典賁典墳也

張納碑綜典賁王政碑口研典賁隸續

云以賁爲墳按左傳昭公祭之地地墳公穀竝作

賁賁墳蓋通用

案爾雅釋詁墳大也樊光引詩有賁其首爲注見書

盤庚疏

銀沂埜圻垠也

荀子成相篇守其銀註守其分限也

銀與垠通漢書班固答賓戲張良受書於邳沂註沂

沂也亦與垠通淮南子假眞訓蘆苻之厚通於無埜

又曰四達無竟通於無圻亦皆與垠同

子姓子孫也並斤聲

禮記玉藻編冠玄武子姓之冠也楚語

率其子姓從其時享越語凡我父兄昆弟及國子姓

有助寡人謀而退吳者淮南子道應訓子之年長矣

子姓有可以使求馬者乎漢書田蚡傳跪起如子姓

皆謂子孫詩振振公姓註卽公孫蓋古讀姓如生白

虎通姓名篇姓生也人所稟天氣所以生者也左傳  
叔孫穆子見庚宗婦人問其姓註問其所生子也女  
生日姓本音同生故借姓作孫韻書分鼻音讀生撮  
唇讀孫去聲讀姓皆後人分之今人仍分爲便但不  
可不知其所以可通之故若執後世字書之說以論  
古人音義則非  
案以子姓爲子孫恐是訓詁如此不必姓孫音同通  
用也古耕部與眞部通假最多與元部已少與諸部  
更少

蒸肫蒸豚也

晉書王濟傳蒸肫甚美按廣韻豚或作

狔莊子德克符適見狔子食於其死母者晉書謝混  
傳每得一狔以爲珍膳狔既同豚狔亦近肫故因而

假借用之  
案祇以音耳不因形近

渾沌餽餽也

程大昌言餽餽出于渾氏屯氏子謂乃

渾屯之轉聲也食物志云蘇家餽餽可以淪茗言其  
清也近時又名鴝突釋裨曰鴝者渾之入突者噉之

入韻

案此雖不合古音而說其轉音之故則甚晰  
渚歎苒漢渚漢渚難也爾雅崱在申曰渚難歸賜



埠

場壇場也

1

史記文帝本紀其廣增諸祀壇場圭幣

堦卽堦字

按周書金縢篇三壇同墠一謂之中壇墠

並見則二字音義各別可知然集韻增亦音傳字也

史記文記業已改作直易矣

案對別散通亦定例也

樂歎樂也驪心歎心也

孔抗碑 驪樂壽考李翊碑

得珠俗驪心集韻云歡

通作驪荀子大畧篇夫婦不

得不驩註驩與歡同

三、

**案驩**虞歡娛也

1

100

鵠

投鵝兜謹頭驛兜也

尙書放驩兜于崇山古文尙

書作鵬鵬神異經引書作鵬鵬兜廣韻作鵬鵬韓退之詩

開弓射鵰吸焦弱侯引作鴈受漢鄭季宣碑存云虞

放膽口下一字雖殘飲許其義蓋指驕兇其字正從

魚則作鴈與鴈者皆山經也管子侈靡篇鴈鴈若

之青正用鼎爲鬱宇山海經有諸頭國言諸頭勇目  
飽通作頭按史記十二諸侯表宋景公頭曼然書

古令人表作飽藥飽願用也

西人亦樂所產梓仙也

案但是丹聲卽合不定孰正孰誤

小卞小弁也漢書杜欽傳小卞之詩也按弁本弁冕字音

日卞音盤卽詩小雅小弁之一字而二音也卞卽弁字

皮變切在詩則讀如盤是一字而二音也卞卽弁字

之隸體本非二字說文弁作弁下從卞卞卽漢人隸書

從卞之字多變作六與與兵故書弁作六觀隸書

而隸體欹側書法轉變正書遂成卞字如卞字上著

一點學耆不知考究原委妄從卞字生義遂有如六

書故六書統同文備考等書之穿鑿杜撰者皆緣不

知篆隸相嬗之由也弁本去聲而小弁讀平此所謂

三聲字卽六書中之轉注也漢人去古未遠知卞可

不過字形微易原無分別故作小弁可作小卞亦可

今人但知弁有平音卞與弁異動疑古人好用奇字

不知正坐後人不甚識字耳

案說轉注甚非

桐矜痾瘵也後漢書和帝紀朕寤寐矜矜思弭憂覺

註矜音古頑反按經史矜矜二字通用無別瑕邪代

醉編云鰥寡之鰥禮記作矜哀矜之矜前漢書于定

國傳作鰥二字互用爾雅釋詁鰥病也鄭樵註鰥卽

瘵也通作矜故瘵亦借用矜

案矜本作矜從矛令聲六朝碑宋龔書尙多有之令  
聲眞部采聲諄部音最相近故矜鰥瘠通若如今本  
作矜則諄侵相去甚遠無由假借矣

別雅訂卷二

淮安山陽吳玉播什軒

沂州日照許瀚校勘

有孫字注云望山谷於孫青也

說文新附芋艸盛也又谷部

之義文選謝朓遊東田詩遠樹暖肝肝李審本作仟

仟皆因聲借用

案列子力命篇鬱鬱芋芋蕞文類聚引韓詩外傳作

鬱鬱素素廣雅素素芋芋茂也凡芋芋其本字皆當

作素素又通作漆漆漆漆又申之並可通芋芋駢駢

先洗洗洗又通作漆漆漆漆又申之並可通芋芋駢駢

說文新附木書局於今韻故未及旁通真耕也

肝眠肝眠芋眠也文選張平子南都賦青冥肝眠註

王逸曰肝眠遙視開未明也陸機文賦精麗芋眠本

雅李白愁陽春賦絲翠分肝眠謝朓和王著入公山

詩肝眠起雜樹肝肝與芋形聲相近輒假借用之初

不論字義也眠與眠同

泉錢也

集韻錢貨泉也其藏曰泉其行曰布取其流

行無不偏也唐張台封演有泉譜陶岳有貨泉錄宋

洪遵有泉志皆載歷代錢制史記天官書下有積錢

金寶之上皆有氣不可不祭徐廣註錢古作泉字

案王莽貨泉小泉直一大泉五十今流傳尚多

鵠為鵠也漢書梅福傳夫載鵠遺害則仁鳥增逝

又五行志素山桑谷有載焚其巢皆為字也左傳

鵠針以鼓子載鞮歸釋文云本又作為張公神碑載

鵠巢兮乳俳側亦即為字

案戈聲弋聲同之部夏小正鳴弋即為也

消搖消搖逍遙也莊子逍遙遊釋文逍一作消遙一

作搖禮記檀弓孔子蚤作負手曳杖消搖于門漢書

司馬相如上林賦消搖乎襄羊京山引太玄翕首雖

欲消搖天不之茲註作逍遙按周禮考工記匠人消

溝三十里而廣倍註消讀如桑螵蛸之蛸消字本有

消音故亦通用

案漢開母石闕則文燿以消搖

險度遙度也險望遙望也險言遙言也漢書趙充國

傳兵難險度鄭氏曰險遙也三輔言也師古曰險讀

日遙點布傳險謂布何苦而反史記作遙後漢書馮

衍顯志賦陟龍山以險望師古曰險猶遙也古字通

禮記投壺母險言註險或為遙遠譚語也蓋魚蕭尤

三韻古音相通以踰踰爲遙猶或踰之爲或抗調人

此條形以為后夫人服也蓋不與日

經典皋陶字多作咎繇蓋以字音相近

字而人不識也。舉爲蕭韻之字。咎則尤韻之上聲。有

蕭聲通則亦與蕭之上去二聲通凡諸韻之相通者

聲絳韻中字亦遂與東韻同用也小雅車攻不失其

可音詠音思音工音之音詠音矣音不音可音方音陽音思音則音以音平音聲音易音與音

與養同用也易師卦承天寵驪也懷萬邦齋也則以

同用也由此推之則知皋咎所以通用之故不得漫以爲古人好使別字矣廣韻下平六豪原有咎字說文繫簪二字皆諧咎得聲而讀如高則知古咎字原有高音也

案初說韻者如此之難非崑山一老孰開竅叢而出康莊使人人得言古韻部分耶觀此乃知平水韻合併之可恨苟以便一時之通押遂陷學者於迷塗使有志之士枉費多少心血獨怪張力臣寫刻音學五書吳君近在同里何不研求顧氏部分而必膠葛於平水四聲耶

松僑松喬也樊敏碑松僑協軌按戰國策世之稱孤而有喬松之壽文選班固西都賦庶喬松之羣類註皆云僑王子喬松赤松子碑獨借用僑字按議郎元賓碑有喬宰鄭隸釋云卽國僑是喬僑二字古蓋通用也

鏡銘有云山人子僑赤誦子

漂漂縹縹影影翻翻飄飄也

史記賈誼傳弔屈原賦

鳳漂漂其高遶兮漢書誼傳作縹縹史記司馬相如傳天子大說飄飄有凌雲之氣騷騷關漢書楊雄傳作縹縹有凌雲之志縹縹三字古人本通用無別

後乃分標為上聲為青黃色源為去聲為水中打絮與飄字始不相涉也又如影影翻其義亦通左思魏都賦清塵影影五臣作則則類篇翻翻飛也與飄

飄又何別哉案對則細別散則大同概以諸字為後人分之亦尙未核雙字單義多尙分別至疊文疊韻雙聲用作形容之詞往往不顧本義而惟取同音

尉廉飄飄也案當與前漂搖條合作見後魏孝文帝吊比干墓文

苞裏包裏也莊子天運篇苞裏六極釋文云苞本或

作包易蒙卦包蒙吉釋文云包本亦作苞陸賈新語苞之以六合註苞與包同孔羨碑廣大苞於無方亦

以苞為包案春秋元命包或作苞註論語包咸皇疏本作苞

鞠鞠鞠也見後魏孝文帝吊比干墓文案鞞鞞鞞書多混乃形誤耳參看卷三少昊條

蒹草蒹草也說文蒹重文作蒹今人皆知芟艸為蒹蒹音近蒿及見蒹字反讀若釋何也

休聲樛辱聲同在幽部即讀蒹為樛亦未為支離也





物可以無疑此當與上平委蛇條參看

倚衡阿衡也高彪碑稽功倚衡欬釋云說書者以阿

衡為倚平正義曰古人讀阿倚同音故以阿為倚此

銘以倚衡對申甫若取同音則是借倚作倚若以偏

旁假借則倚阿皆與倚相近也按詩綠竹猗猗叶于

何切倚有阿音則是借倚為阿也

案倚阿皆由可得聲

奈河奈何也河人何人也逢盛碑無可奈河隸釋云

以奈河為奈何吳仲山碑奈何亦作河隋張公禮龍

藏寺碑以河人為何人

魁頭科頭也後漢書東夷傳大率皆魁頭露粉註魁

頭猶科頭也謂以髮縈繞成科結也按此乃用字之

異魁非即科字也

案此非以音通

蘭驪驪也列子周穆王篇右服蘭驪註蘭古驪字

按入駿之名諸書所引參差不一即一蘭字亦多不

同玉海引穆天子傳作蘭筆叢引作蘭恐多訛文未

可盡據餘詳各字下

案蘭無讀華理列子釋文與筆叢引同蘭為蘭謠必

矣然其字亦無從解說

大姑大家也後漢書列女傳曹大家即大姑也姑家

聲近故字亦通用

案古家直讀姑非止聲近

蝦蝦蝦霞也史記天官書夫雷電蝦虹辟厯夜明者

漢書天文志作蝦重卿虹文選郭璞江賦絕岸萬丈

壁立蝦駁李善註蝦與蝦古字通用三字皆因聲借用

流蝦今李善註霞與蝦古字通用三字皆因聲借用

也

案蝦霞皆說文新附字

直蜀巴蜀也史記張儀傳直蜀相攻擊索隱曰直音

巴

相羊儀之古音直

羊儀儀羊常羊儀伴相伴向羊倡伴常翔相翔仿

羊方洋仿伴儀伴又司馬相如上林賦招搖乎儀伴史

漢及李善本皆作襄羊郭璞曰襄羊猶彷徨也漢書

禮樂志更定郊祀歌周流常羊思所并師古曰常羊

猶逍遙也儀文選張衡西京賦儀伴平五柞

之館李善本作相羊註云猶彷徨也儀伴平五柞



字公房房作所唐公房碑房作所隸釋云隸法房字其戶皆在側故人多不曉或作防或作防皆誤也據此則防中宣防當時本是房字變隸為楷因形誤書遂成防耳非防與房義果可通也

案原不繫乎義宜房當以防為正字房為假借字

任雖築宮其上實防也

勦一作任勦勦一作楚辭宋玉九辨逢此世之勦

意勦勦如襄誤甚同勦讀同攘今人多用勦勦作贊襄

東箱東廂也儀禮公食大夫禮公揖退於箱又覲禮

設几侯于東箱註東夾之前相荆待事之處漢書鼂

錯傳趙避東箱楊敞傳敞夫人遽從東箱箱即廂字

漢書周昌傳呂后側耳於東箱聽師古曰正寢之東

西室皆曰箱言似箱篋之形也爾雅室有東西廂

假借用耳非取其似箱篋之形也爾雅室有東西廂

日廟正用廂字豈獨不取箱篋形乎顏說拘矣

案廂乃說文新附字正字當作箱六朝碑或變作箱

隸體竹多混爾雅之廂亦板本俗字耳顏說固無

可議

唐屋牆屋也曹全碑敢治唐屋牆即牆字書五子之

歌峻字雕牆古文尙書作牆詩小雅兄弟閱于牆釋

文云本或作牆左傳狄人伐牆咎如穀梁作牆漢書

鄒陽傳牽帷牆之制文選作牆牆音義同又石經

論語辟諸宮牆作牆與華岳碑同堯廟韓勅二碑牆

又作牆皆假借也

福此古文尙書不知所本或薛氏書耳

吳仲山碑而遭禍殃嚴訢碑君獲其央皆以央為殃

漢銘多作央

唐笑也廣韻僂侯不遜洪武正韻引廣韻

平聲唐韻無此字未知正韻所據何本

案張刻廣韻唐徒郎切塘揆僂侯不遜蓋此郎

切蓋突又徒郎切徒郎一音即正韻所謂通作唐也

唐吳君蓋未見此本

唐溪棠谿堂谿也後漢書延篤傳少從潁川唐溪典

以爲氏唐與堂同也今考應劭風俗通實無此語廣

韻又云閭第夫湫奔楚為棠谿氏其字作棠與水經注同漢石經公羊傳後有堂谿典姓名正作堂字然則唐溪棠谿皆堂谿之譌也

案今風俗通不全

賓

根檳榔也漢書司馬相如上林賦仁頻并閭師古

曰仁頻即賓根也頻字或作賓

案頻即賓本字故頻或作賓

郎

廟郎廟也鍾繇宣示帖芟蕘之言可擇郎廟郎郎

廊也漢書董仲舒傳游于嚴郎之上晉灼曰堂邊廊

嚴郎謂嚴峻之郎也漢書東方朔傳今陛下果郎臺

師古曰郎堂下周屋皆以郎為廊

案廊乃說文新附字然自曹全碑已有之亦漢時俗

字也

乃

洵那行也世說劉眞長見王導導以腹熨彈碁局

曰何乃洵劉出曰未見他異惟聞吳語程大昌按玉

篇言洵虛統反今鄉俗狀涼冷之狀曰冷洵此解非

也八庚與七陽通洵當作亨康反吳人之聲常有之

意以爲何如則曰那行行字亦音亨康反老學菴筆

記曰閣門促人曰那行是即何乃洵之聲也

案此不必著

昂藏昂藏也 見于大猷碑

案昂藏疊韻昂蓋誤書似不必著

革更也 管子山權篇丁氏歸革築室賦籍藏龜注革

更也 呂氏春秋當務篇子肉也我肉也 尙胡革求肉

而爲魏策吾已許秦不可革矣俱與更同按革卽更

之入聲字聲義皆可相通故遂借革以爲更

案革之部更陽部非可通假此同義相代耳不必牽

合其聲

太形太行行也

作行 經 列子湯問篇太行王屋二山註形當

杭列子作形則知古讀太行如行路之行矣然庚陽

相通形行實一聲也又太行一作泰峒 瓊 行 陽

案古行路之行亦讀杭無與形同音者廣韻十二庚

除平生鳴榮敬并字等音當割入耕清二韻其餘大

體皆同陽部唐部平水韻誤取庚及耕清台爲一韻

遂致淆亂雖好學如吳君不能無惑可恨也

青飯飯青精飯也 吳曾曰神仙王褒傳太極真人以

太極青精飯方授之褒鍊服五年色如少女杜詩惜

無青精飯使我顏色好蘇頌曰陶隱居登真隱訣有

別雅訂卷二

七



青餽飯即青精飯今釋家四月八日所作之烏飯是也

**案**又聲青聲雖不同部而音最相近

**霆**堅庭堅也庭電霆電也 孫叔敖碑霆堅禹稷不能

通也隸釋云以霆堅為庭堅朱龜碑威神庭電隸釋云以庭為霆二字亦故為互異如此

**案**因聲偶借耳不必故為互異

**淳**車停車也 後漢書趙岐傳淳車呼與共載此字典

引漢書如此查後漢書今多作停從人不從水未知

字典所據何本

**案**古無停字祇作亭此作淳亦假借要是善本

**神**零神靈也 吳仲山碑神零有知隸釋云以零為靈

按類篇從靈之字亦或從零如醴為醴醴為醴醴為

零之類甚多靈與零古或通用

**萬**零萬齡也 斤彰長田君碑身沒名立永載萬零隸

續云以零為齡又修華岳碑繁陽令楊君碑皆以齡

為齡他書未見通用或書碑者好奇之過與

**案**齡後起字文王世子釋文作希漢碑作零作齡正

許君所謂本無其字依聲託事也何好奇之有然僧

峻碑已有齡字蓋漢時俗字

榮陽榮陽也漢書地理志後漢書郡國志榮陽字皆

從水周禮職方氏其川榮雒註榮在榮陽其字從火

韓勅後碑河南榮陽劉寬碑陰河南榮陽鄭烈碑榮

陽將封人也字皆從火作榮伶淋調燧慙慙燧

案振縣雲峯山魏齊諸摩崖皆作榮陽

錄者按鱗也漢書天文志故其占驗鱗雜米鹽亡可

凌耳兩字皆假借用之字亦不當定作凌今俗多作

鱗葦麥一聲之轉說文菱司馬相如作蓮景君碑鄰

刑作郝邦麥又麥之俗體要是漢音耳說文載揚雄

說悉與古合司馬相如說動與古歧馬先揚後而今

古互殊足徵二人小學深淺

耐能也禮記禮運故聖人耐以天下為一家註耐古

能字宋祁漢書高帝紀註云古者能字皆作耐字後

世以三足之能為能耐亦作能蓋二字音義同也漢書

古人獨能耐耐亦作能蓋二字音義同也漢書

能錯傳胡須之人其性能寒揚粵之人其性能暑註

案而聲曰耐趙充國傳漢馬不能冬能亦讀耐

舊留鵠鵠也

說文舊留也或從鳥休聲作鵠徐鍇

說文繫傳曰即怪鵠借為新舊字按說文舊留為一

鳥舊之別體則為鵠皆去聲字鵠別為一鳥為鵠離

不與舊留同今世以舊字為新舊之舊不復知為鳥

名讀鵠如休合鵠鵠為一物不復知鵠同於舊名實

混淆莫可考正又鵠鵠一作休留通雅云國策宋偃

王時有雀生鵠於城之陬鵠即鵠鵠也

鵠舊曰鵠鵠休聲正同部而古有韻之文皆以舊入

之部以休聲字入幽部猶表求同字表入之部求入

幽部也豈制字之時有後先音隨時變遂各隸一部

抑或之幽古同部後乃析為二耶此等處終不能灼

然無疑

中南終隆終南也

尚書禹貢終南慎物二山名也詩

秦風終南何有左傳改用中南鄭松四嶽三塗陽城

太室荆山中南九州之險也潘岳關中記曰終南一

名中南言在天之中居都之南淮南子似真訓孟門

終隆之山不能禁終隆亦終南也

案隆東部南侵部二部音最相近詩冲陰駉中隔蟲

煎靡燕靡也

韓非子云罷露百姓煎靡貨財漢書故

乘傳漸靡使之然也漸靡卽煎靡也

案此條蓋誤煎漸部分相去甚遠煎靡言糜爛也漸

靡卽漸靡也其意亦不相蒙

屏顏巉巖也漢書司馬相如大人賦放散眸岸驤以

屏顏師古曰屏顏不齊也義與巉巖同歐陽修詩空

碧更屏顏用此語也

案此條亦非屏顏巉巖部分甚遠例不相通卽古止  
言義同不言音同字同同義者原不必同音同字也

別雅訂卷三

淮安山陽吳玉潛比輯沂州日照許瀚校勘

總督總督也梁書武帝紀惣督累軍按廣韻惣同總

鄭烈碑變作惣仲秋下句碑變作惣隸楷遞嬗遂成

物下著心之字此為隸變蓋不可以六書之理相繩也

案此不足著或據石刻猶可

從容縱與將養從勇從諛從通也史記衡山王傳日

夜從容王密謀反事漢書作縱與又賓客來者微知

淮南衡山有逆計日夜從容勸之漢書作日夜將養

勸之師古曰將讀曰獎又禮樂志郊祀歌神之行旌

容容騎省省般縱縱晉灼曰音人相從勇作惡師古

曰容音勇縱音總酷吏傳贊杜周從諛諸字音義竝

與從通同

案從容縱從勇從通皆東部史記侯部將養陽部三

部固皆有相轉相通之理然史記音正漢書音變可

以識前後漢之分矣

樂旨樂只也衡方碑樂旨君子口口無疆按碑語蓋

引用詩南山有臺之文而以旨為只或假借同音之

字用之或當時傳本有如此者非盡傳寫之誤也

案左傳襄十一年二十四年昭十三年引詩並作樂  
旨不始於漢碑蓋旨只語詞惟以音通初無定字

蟲蛾蟲蟻也

列子黃帝篇未聚禽獸蟲蟻史記五帝

本紀淳化鳥獸蟲蟻蟻即蟻字爾雅釋蟲蚍蜉大螳

釋文云螳本亦作蟻俗作蟻左傳鵲針蛾析蛾音魚

綺切漢書元帝紀有白蛾羣飛蔽日揚雄長揚賦扶

服蛾伏皆讀為螳後漢書皇甫嵩傳張角等皆著黃

巾為標幟時人謂之黃巾亦名為蛾賊註即蟻字喻

賊眾多故以為名陳球後碑蜂聚蟻動仲秋下旬碑

蟻附隸釋皆讀作蟻

案學記蛾子當引

不翼比翼也

阮籍詩願為雙飛鳥不翼共翱翔不翼

即比翼也 不有比音遂亦借作比用

案不比古音不同部說文不鳥飛上翔不下來也比

或即用其本義

心儀心擬也 擬人擬人也

漢書外戚孝宣許皇后傳

公卿議更立皇后皆心儀霍將軍女服虔曰儀音蠟

心儀即心擬也按詩大雅烝民篇我儀圖之釋文作

義註云毛如字鄭作儀儀匹也朱傳儀度也是亦與

擬字義通禮記曲禮擬人必於其倫釋文比也文選

傳殺舞賦經營切疑註云言舞人舉引皆有所比疑也疑亦同擬又擬亦通用疑漢書食貨志遠方之能疑者並舉而爭起矣師古曰疑讀曰擬史記蘇秦傳疑於王者亦同始林鄭

案儀歌部擬之部服說恐非或但釋其義如此未必即以擬為儀義同音不同

鉏

鉏祖晤鉏牙鉏語也說文鉏鉏齒不相值也又鉏鉏鉏也重文作鉏楚辭宋玉九辨圖鑒而方柄今吾固

知其鉏鉏而難入鉏鉏即鉏鉏亦不相值之義也文選陸機文賦或咀晤而不安李善註咀晤不安貌亦

引楚辭鉏鉏為証周禮考工記玉人大琮十有二寸射四寸註射其外鉏牙疏言其外八角鋒也咀晤鉏

牙義皆與鉏語同古吾牙聲近故或借用牙爾雅釋樂註攷如伏虎背上有二十七鉏語亦此義也

案古牙祇讀吾非止聲近以與也儀禮燕禮君曰以我安註猶與也漢書外戚

李夫人傳是邪非邪師古曰言所見之狀定是夫人以否魏書李順傳此年行師當克以不以皆讀作與

韓昌黎剝啄行凡今之人急名以官註韓文與多作以古以與之聲相近故多通用詩召南江汜首章曰

以古以與之聲相近故多通用詩召南江汜首章曰

案與以互通經典不可枚舉王文簡師經傳釋詞言

之詳矣此與古如而通同例

萬宙宇宙也 荀子賦篇精微乎毫毛而大盈乎大寓

註寓與宇同

案說文寓籀文字從禹 荀子寓與上文下鉅矩禹

韻必不容贅以宙字楊註云盈於大宇之內無宙字

可知大盈元刻作充盈非大與精對一字一讀

嬌 嬌 吻 愉 嚙 吻 吻 吻 吻 嬌 嬌 休 喚 咩 也 韓 昌 黎 連 理

木頌奮肆媁媁註上音吁下音俞邦京山謂卽吁俞

郭璞曰怱怱猶匆匆也晉書夏侯湛傳逐巧黜奸

啜  
辯  
佞  
嘔  
啜  
卽  
媼  
媼  
杜  
子  
美  
朝  
獻  
太  
清  
宮  
賦  
神  
氣  
兀

泉而小人响喻禮樂記曰煦嫗覆育萬物戴氏謂與

漢書  
隸人

痛疾而或煥休之因作煥休今問奇集讀作軀許韻

痛癢而蓋不即本之因循嘆而  
林非蓋不即本之因循嘆而  
奧

實休非蓋不知本吁俞之聲而有出氣宣育之義故

轉音爲婚許可卽本音音休亦可皆聲相通也

何聲俞聲區聲照聲皆侯司與聲休聲皆幽司二

部音最相近

大抵形容之字皆以音通不能拘其本義故變體爲



多

引之哂之也 晉書載記王猛傳辭司徒疏云千秋一

言致相何奴引之引即哂字

案哂之本字作歆從欠引省聲作哂者變欠作口引

不省也作哂者從口西聲西古讀如先也

管弦莞絃管弦也 北海相景君碑或毀頌于管弦按

漢隸從竹之字多書同艸如簿書之簿即作厚薄之

薄簡畧之簡即作秉簡之簡管本草管字即用作為管

弦字非是借管為管蓋書法如是耳漢印管姓字亦

但從草漢書董仲舒傳而莞絃之聲未衰也莞亦管

字

案簿後起字古但作薄

涪漱澗漱也 列子黃帝篇進涪漱巾櫛註涪音管莊

子作盟

案漱從欠旁

哂爾莞爾也 虞世南夫子廟堂碑哂爾微笑按玉篇

口部有哂字胡板切小笑貌集韻云本作莞是莞即

莞字也類篇載有哂字同莞蓋即玉篇莞字變完為

兒蓋傳寫筆蹟小異又諸碑笑字多加口李仲璇碑

陳明府孔子廟碑皆然 艮善案類篇宜考

胡輦瑚璉也漢韓勅碑修造禮樂胡輦器用隸釋云

胡輦者瑚璉也按周禮地官鄉師與其輦輦註故書

輦作連鄭司農云連讀爲輦又春官巾車輦車組輓

釋文云輦本作連禮記明堂位夏后氏之四連釋文

云連本又作連璉古通連連又通輦以輦爲璉猶以

連爲輦也要之輦璉同音故借

案璉之本字作璉

柔需柔要也濡弱要弱也周禮考工記脂之則需註

少師曰讀爲柔需之需莊子天下篇濡弱謙下爲表

戰國策其需弱者來使則王必聽之需弱音義皆當

同要即輓字也經史要需輓需優需優諸字聲義皆相通

案此鄭司農語司農字仲師作少疑誤案當依原文

作鄭司農

楊蘿爲蘿也費鳳碑楊與女蘿今詩作葛說文葛或

從木蓋楊葛一字重文也

案蓋字可刪此無須作疑詞

尅老也見張猛龍碑顏氏家訓云北朝喪亂之餘書

迹鄙陋加以專輒造字猥拙甚於江南乃以百念爲

憂言反爲變不川爲罷追來爲歸更生爲蘇先人爲

老如此非一徧滿經傳蓋當時之俗書也

案魏書世祖紀始光二年初造新字千餘頒下遠近  
永為楷式今所傳魏碑別體未必非由乎此

祈鳴祈禱也

周禮大祝註祈鳴也釋文云劉音禱按

鳴本音驍劉音禱即借以為禱字也

案祈鳴也鄭蓋用爾雅釋言文彼作叫一切經音義

十引孫炎注云祈為民求福叫告辭也郭注云祈祭

者叫呼而請事鄭於祈鳴也下申之云謂為有災變

號呼告於神以求福此正孫郭注義所從出抑或說

爾雅者相承古義皆然據此鳴乃叫之異文非禱之

異文集韻以叫鳴為一字當矣其上聲則又以禱鳴

為一字誤讀鄭注也

異母異畝也史記魯世家唐叔得禾異母同穎黃公

紹云與畝同案廣韻晦古文畝字母疑晦字之脫誤

也

案晦為畝之本字廣韻實本說文每聲母聲自得通

假不必有脫誤

木禺木偶也

後漢書劉表傳論劉表道不相越而欲

臥收天運擬蹤三分其猶木禺之干人也禺與偶同

按史記封禪書有木禺龍木禺車馬漢書郊祀志作

木寓龍木寓車馬寓禺義皆同偶如木偶人之類也

索隱周音寓土偶木偶皆讀去聲不讀如耦蓋古音虞尤相通寓偶耦皆諧周聲故讀耦可讀寓亦可此古四聲未定時讀法也正可因此以考古今音讀之義同

斗案凡周聲古皆屬侯部並不沾沾於讀耦讀寓也

覺斗覺也韓昌黎詩吟君詩罷看雙鬢斗覺霜毛

一半加註斗與陡同猶言驟覺也史記封禪書成山

斗入海註謂斗絕曲入海也任子淵云斗覺詩中健

語也前輩多使退之詩有此句東坡詩黃昏斗覺羅

裳薄後山詩斗覺文字生清新皆借斗為陡

漢書何奴斗入漢亦作斗古峻絕義祇借用斗無

陡字陡後起字玉篇地名子應京兆試曾用斗覺字

房官批云詩中斗字太俗此俚言也應作陡其人官

御史嘗刻試帖詩州行世

部婁婁附婁培婁也左傳釅部婁無松柏釋文云婁

本或作樓婁培也左傳釅部婁無松柏釋文云婁

其本字皆當為培培音蒲口反樓音路口反兩字

皆讀上聲部培形近附培音近故相假借用之

鑿形近者仍以音通

辯損貶損也周禮秋官士師若邦凶荒則以荒辯之

法治之註鄭康成謂辯當為貶聲之誤也遭饑荒不  
明判國事有所辯損作權也禮玉藻立容辨卑無譌  
註作貶容雖貶損不傾側柔媚也或以辯為貶或以

辨為貶皆以同音相接

案辯辨貶部分甚遠而鄭云聲之誤又云辨讀為貶  
則漢末聲音與今不甚懸殊然此究不可謂同音相

借直彼時寫書者以土音亂之耳

嚴然儼然也周書無逸嚴恭寅畏釋文作儼詩大雅

有嚴天子釋文云嚴毛讀魚檢反荀子正論篇今子

宋子嚴然而好說註嚴讀為儼漢書匡衡傳正躬嚴

恪臨眾之儀也師古曰嚴讀曰儼蓋嚴平儼上一聲

之轉六書轉注卽是理也

案於轉注無涉

會藏會點也史記仲尼弟子列傳曾藏字子皙註音

點按說文有職字云古人名職字哲職音緘不云卽

會點之點也史記藏字字書以爲古文點亦不以爲

卽職字也乃六書故云會點字哲猶端木賜字貢或

作藏已無義因之又作職職說文曰職雖哲而黑蓋

因會點字哲而誤也強合職藏點爲一字妄議說文

殊爲失入非平允之論

案說文雖不專指曾點曾點亦在其中雖戴藏點有  
假借有誤書要無不可合爲一字戴議許固非吳議  
戴亦未冲其失

別雅訂卷四

淮安山陽吳玉指比輯沂州日照許瀚校勘

中呂仲呂也禮記月令仲冬石經入士中突中呂即仲呂

漢書律歷志中冬即仲冬石經入士中突中呂即仲呂

突仲忽班馬字類曰二史伯仲皆作中中仲音義同

按中字有必當讀與仲字同者如中呂中丁勝說之

類是也有可平可去不必執一者如中興中字是也

杜元凱左傳序紹開中興釋文音陟仲反毛大可古

今通韻云增韻謂詩周室中興音陟仲反則凡中興

中字俱不當音平聲往同館有主其說者辯之甚力

且引杜甫詩新數中興年為據曰此律詩如是有何

置喙既而坐中有吟馬戴贈邊將詩者故為拗其聲

以吟之曰勤苦事興以中吟仲眾皆相視而笑始

知執一不可訓也

案吟此詩者正欲證中興之中不必定讀去聲也

匹如譬如也唐詩有匹如元是九江人之句匹如讀

為譬如說文譬諭也徐鍇說文繫傳云譬猶匹也匹

而論之也以匹釋譬其義難解或以一音相通轉注

用之亦未可知然徐說匹而論之則義實相通矣存

以俟考

案匹譬既非一音更非轉注唐人之詩楚金之傳皆不甚足據者也只合闕疑

末利抹厲抹利沒利末麗茉莉也本草嵇含南方草木狀作末利洛陽名園記作抹厲佛經作抹利王龜

齡集作沒利世邁集作末麗蓋茉莉本外國語無正字隨人會意而已周櫟園詩作抹麗註云謂掩盡衆

花也麗即麗字

案注鑿甚

茲非茲飛次非伏飛也漢書宣帝紀及應募伏飛射

士如涓引呂氏春秋荆有茲非得寶劍于干將度江

中流兩蛟繞舟茲飛拔寶劍赴江刺兩蛟殺之荆王

聞之仕以執圭後世以為勇力之官茲飲音相近今

呂氏春秋知分覽作次非古今本不同也後漢書馬

融廣成頌作茲飛皆同

案茲飲次果可通假則之脂二部音固相近不必如

段氏之離而遠之抑或漢以後寫書者亂之非古書

本然也

蕉萃癯瘁顛顛癯瘁焦瘁惟悴也左傳成公九年引

逸詩雖有絲麻無棄菅蒯雖有姬姜無棄蕉萃後漢

書應劭傳引此詩作惟悴史記索隱引此詩作顛瘁



漢書禮樂志纖微癯瘁之音作而民憂思楚詞漁父  
顏色憔悴一本作顛顛說文則以顛顛爲正字廣雅  
又作癯瘁漢書班固叙傳答賓戲云朝爲榮華夕爲  
焦瘁字異而音義實同焦萃焦瘁則又因聲假借可  
聯用不可分見者也

元

堅天地也

無極山碑與元堅俱生按玉篇元古文

天字說文地籀文作墜此又從籀文而省者也又漢  
書趙充國傳令不得歸肥饒之塋師古曰塋古地字  
始休多六書故謂塋字爲唐武曌所制按此字已  
見漢書又管子及戰國策亦有之則非創始於武氏  
武特襲用之耳

案必得石刻方爲確證版印之書安知非依唐人寫  
本爲之

錮

辭固辭也

鄭固碑以疾錮辭集古錄云錮當作固

疑漢人用字多假借又疑以疾錮辭謂疾已堅固若

云以疾篤辭隸辨云漢書賈誼傳必爲錮疾師古曰  
錮疾堅久之疾也碑乃正用錮字非借錮爲固歐公  
偶忘漢書是以疑耳予謂正用錮字於理固通然以  
文法言之則固辭爲是且鄭君名固作文者未便直

斥其名故轉假同音之字以代之未為不可不必專以錮疾為據也

案此說恐鑿

椎結椎髻也

漢書貨殖傳程鄭亦治鑄賈椎結民富

埒卓氏李陵傳兩人皆胡服椎結後漢書度尚傳椎結鳥語之人師古曰結讀曰髻按說文髻部本無髻

字徐鉉新附字有之云古通用結髻本音計通用結結亦讀如計今俗讀若吉非也

案既論古音古義則此不足以定是非

無俚無賴也

漢書季布傳贊其畫無俚之至耳蘇林

曰俚賴也言其計畫無所成賴晉灼曰揚雄方言俚聊也許慎曰賴也此為其計畫無所聊賴至於自殺

耳韻會小補引朱子楚辭後語曰孟子不理於口漢書無俚皆訓為賴則理固有賴音也

音觀下兩字音皆相通不必專改俚音賴然後為順也又正字通云漢書無俚之俚古音載入蕭字韻俚

讀若聊蓋以第二聲轉第一聲也按說文俚聊也婚

也今精訓辯儀細也俚有聊義亦不必改俚為聊音也

案理俚聊賴皆以義同耳不必轉音相歲

樹嫁樹介也唐寧王憲疾時寒甚疑霜封樹謂之樹

介漢書五行志木木為木介天文志謂之樹介言象

介胃也憲見而嘆曰此俗謂樹嫁者也諺曰樹嫁作

雅達官怕吾其死矣問奇集直註木介之介音駕蓋

俗語因介有駕音而誤為嫁也趙凡夫曰嫁樹當為

惜樹俗訛為嫁此殆不知嫁之由于介而妄取一轄

字以當之誤矣

劉信介音近嫁介音遠則信亦未必非是

未嬉未喜末喜妹喜也晉語昔桀伐有施有施人以

妹喜女焉漢書古今人表作未嬉嬾結補本後漢書

文苑傳崔琦外戚歲末喜喪殷亦同荀子解蔽篇作

未喜作赫一說妹不從未當從本末之末漢書外戚

傳敘桀之放也用末喜三國志魏郭后紀中即棧潛

疏云桀奔南巢禍階末喜字正作本末之末然路史

註云妹者以妹妹目之或音赫非也則外戚傳與魏

志末字或未字之誤耳名疑云喜音嬉

案羅氏謬說何足信也字之為妹為妹雖難遽定其

義必不爾

脣臙脣黛也說文臙畫眉也徐鍇說文繫傳曰古人

云衛之處子粉白臙黑今俗作黛字賈誼新書勤學

篇嘗傳白騰黑畫省正用騰字

案騰之為篆猶騰之為蟻為蟻之部蒸部原有相合

之理段氏六書音均表第六部言之詳矣

埃舊暖隄也楚辭遠近皆暖隄其隄莽兮註日月晦

隄而無光也說文舊註埃舊日無光也埃舊音義與

暖隄同

案埃舊之部暖隄脂部二部平水韻混為一音段氏

離而遠之觀此似為未合然楚辭未必屈氏原本暖

隄不見於說文恐後起字耳廣雅暖隄弱蒼也一切

經音義引作暖隄又其變體矣

達高客膏也漢書王莽傳性實達高師古曰達讀與

客同按達客二字古通說文達客二註皆引易蒙卦

以往客之文一作客一作達疑實一字重文也

案此類甚多許君所據經本不同隨文並引正所以

明假借也非惟此也其重文有似當在此而偏系於

彼者如班不系璿下而係之璿璿繼繼不系璿

下而係之閔非外也有已見於此而又見於彼者如

卓為部首而又為璿之古文璿為河津而又為璿之

或體非複也參伍錯綜皆所以明假借而已矣

盛益盛笨也楊時偉正韻牋去聲入震連字收益引

朱子語錄諸葛亮只是盆楊用修云諸葛豈盆者邪  
詔錄註盆音去聲按宋書王微傳云王樂小兒時尤  
麤笨朱子蓋用盆為笨也笨字韻書皆收入上聲竹  
裏也無麤笨義惟集韻云一日麤率也晉書豫章太  
守史疇肥大時人目為笨伯前人固有借為麤笨字  
者不知何緣轉借盆字

**案**笨盆皆非正字惟其音耳

**墨**哭冒頓也漢書匈奴傳匈奴單于曰頭曼有太子

曰冒頓冒讀如墨頓讀如哭他書亦有書作墨突者  
蓋夷狄之名初無定字譯者各以其聲之相近者傳

之輕則為冒頓重則為墨突也  
**案**此固難以古音繩之

**屠**顏賈屠岸賈也漢書古今人表屠顏賈師古曰卽

屠岸賈也顏紅按史記河渠書洛水至商顏下服虔

曰顏音崖顧甯人曰知錄云崖當作岸引漢書屠顏

賈為證蓋顏岸一聲相轉之字故知顏可音岸與崖

鮮購玉字聲遠然俗讀岸崖聲同故傳寫者誤作崖

也

**案**唐韻獨古玄切說文獨益聲詩吉蠲三家作吉圭  
此崖岸轉音相近之理

獄狹獄犴也

高彪碑獄犴生少狹即犴字後漢書崔

駟傳獄犴填滿註鄉亭之獄曰犴犴止從犬古人作

字多有因上字偏旁而類書之者如鳳字從鳥諸凡

聲故書作鳳皇不從凡得聲也而亦書作鳳式字從

弋聲相同也二三字不諧弋聲而亦書作式式是也

此碑因上獄字從二犬故犴字亦承上牽連書之

案犴乃犴之重文風字太俗不足援證弋並非弋

聲此當就金石文字搜尋證據

翠

翠璫翠璫璫也嵇康琴賦新衣翠璫纓徽流芳李

善註引子虛賦曰翕岬翠璫張揖曰翠璫衣聲也班

婕妤自傷賦紛翠璫兮執素聲難辨賦作璫璫各紳

賦按羅衣之璫璫字雖不同其義一也又景教流行

碑寶裝璫翠金石文字記云翠即璫字既以翠為璫

又以翠為璫此亦如以遲遲為栖遲以道循為逡循

之類也

困顧此說尚須存疑碑後又云皇圖璫璫案史記子

虛賦作萃蔡注衣聲也索隱引郭璞曰萃蔡猶璫璫

也是古云萃蔡皆以為聲郭意始言色李瀚注文選

云萃璫鮮色本郭義也萃蔡與璫翠亦若可通然前

作璫翠後作璫璫恐各有所出不同物也

剖泮剖判也 史記陸賈傳自天地剖泮未始有也泮與判同

辨告偏告也 禮記內則子師辨告諸婦諸母名註循

後辨教主人未辨客不虛口註偏教者偏食散也儀

禮燕禮司正命執爵者辨辨皆同偏又按書舜典與

于羣神史記五帝本紀作辨于羣神脩華岳碑作辨

于羣神辨辨與辨字形小異皆通作偏

微眇微妙也 漢書中山靖王傳每聞幼眇之聲師古

曰眇音妙儒林張山拊傳嚴然總五經之眇論師古

曰眇讀曰妙易說卦傳妙萬物而為言者也釋文云

妙王肅本作眇楚辭九歌要眇兮宜修洪興祖補註

云眇與妙同鄭因碑清眇冠乎羣倫眇皆同妙

案當與三卷妙身條互參

五藏五藏五臟也 漢書王吉傳吸新吐故以練藏專

意積精以適神師古曰藏五藏也又藝文志經方有

客疾五藏顛狂病方十七卷藏即臟字又周禮天官

疾醫參之以九藏之動註正五藏又有胃膀胱大腸

小腸白虎通性情篇人本含六律五行氣而生故內有五藏六府此性情之所由出入也藏亦臟字廣韻去聲四十二宥有藏無臟古但通用藏藏又與減通用臟乃後人所加也

案古但通用下當是藏字刻誤加舛耳蓋浪孟浪也類篇孟浪不精要貌集韻孟或作孟何

子元言莊子孟浪之言古本作孟浪按古庚揚韻通孟在去聲徑韻即庚韻之去聲字在去聲則與漾通轉平聲則與陽通故禹貢孟津史記周本紀作盟津禹貢孟豬漢書地理志作盟豬戰國時有孟卯一作芒卯揚升菴言孟獲之孟音莽故孟之為孟非其字同蓋音相似也

案以平水韻說古音多費周折顧氏創立部分之功大矣後來江段孔王從而加密耳

堅韌堅硬也字彙補引正法念處經心甚堅韌云北藏音讀作硬

案堅下從革之字疑韌字之誤一切經音義六韌五孟切字書韌牢也

填填正正也淮南子兵畧訓無襲堂堂之陣無擊填填之旗按二語本見孫子原作正正之旗填與鎮同



與正音近故假借用之

案真耕古通

壓苦厭苦也

字典壓註謂壓通作厭引漢書叔孫通

傳朕甚壓苦之按今漢書叔孫通傳作上益壓之其

字從食不從土餘字亦多異同不知字典所據何本

抑誤也古厭惡之厭卽厭飽之厭厭飽字亦作壓此

又借壓爲厭惡字用也若作壓亦因聲通用

案壓厭通用逐處皆是凡經傳厭字訓塞訓鎮訓掩

訓抑義皆當作壓而以壓作厭苦意用者却不多見

繁令楊君碑克壓帝心以壓作壓飽意用按說文厭

飽也飽厭也此隔部轉注厭壓等字皆由厭得聲故

無不可借用至從食之壓乃厭之俗字耳

壹

笑一矢也漢書薛宜傳壹矢相樂註笑古笑字接

應劭漢書註以壹笑爲壹矢晉灼曰書篆形壹笑字

象壹矢因曰壹矢此說非也師古曰壹笑謂一爲歡

笑耳

案此條原次當在四十一葉閒蓋補綴於此

別雅訂卷五

淮安山陽吳王潛比輯沂州日照許瀚校勘

四寶四瀆也周禮春官大宗伯註四寶五嶽之匹釋

文寶音獨本亦作瀆讀去聲則音如豆寶讀入聲則音

人徐邈音豆蓋瀆讀去聲則音如豆寶讀入聲則音

如獨瀆寶一音之轉也音既互通故義亦同用

案音通即通

陸陸錄錄錄錄錄鹿鹿蹠蹠錄錄錄遂遂采采奎奎碌

碌也後漢書馬援傳今更共陸陸註猶碌碌也史

記平原君傳公等錄錄廣韻引史記作碌碌漢書蕭

何傳贊當時錄錄未有奇節師古曰錄錄猶鹿鹿淮

南子繆稱訓故人之憂喜非蹠蹠焉往生也老子曰

碌碌如玉文子符言篇及後漢書馮衍顯志賦序皆

引作碌碌如玉楚詞王逸九思曰衰世今碌碌言視

貌碌碌也博雅釋訓遂遂衆也說文采訓刻木采采

也又奎訓土塊奎奎也大抵聲之相通形之相類古

人隨手引用初不可以義理求也今惟習用碌碌字

耳

案奎鹿采三種當各以類聚先有陸陸之語後尋

字以當之但是聲同陸陸無不可者並不以形論而

祿

形每相類者形類者乃聲類也

里角里也

廣韻一屋角註角里

先生漢時四皓名

苟悅漢紀作祿

里按角字本有祿

音詩召南誰謂雀

無角何以穿我屋

史記刺客傳天雨粟

馬生角漢書

東方朔傳臣以爲龍

又無角謂之爲蛇

又有足太玄

賢以牙者童其角

擢以翼者兩其足

崔駰杖頌用以

爲杖飾以犀角

王母扶持永保百祿

古人用角字皆

入屋韻後人不知

角有祿音妄改其

字作用東都事

畧載崔嵬仝對宋

真宗云刀下用音

樵兩點下用音

鹿一點一撇者不

成字杜撰俚鄙總

由不識六書及

古人音讀耳觀漢

石刻四老神坐神

胙机但作角里

可證乃毛大可古

今通韻論角字在

屋韻者但解作

獸名及獸角挺然

之貌與在覺韻之

角字音義全別

不知如上所引諸

條何一不是角字

本義何一作獸

名與角貌解者而

皆讀作祿不知與

覺韻角字何別

眞謬論也又李濟

翁資暇錄謂角卽

角字之誤係後

人僞爲之其說甚

正毛氏反以爲臆

見妄說譏今人

之遵之者非蓋毛

君於韻學頗精而

於字書偏旁之

學執迷不悞故其

議論往往如此

字書偏旁之未明而音學能

罔音讀卽在六書中

字書偏旁之未明而音學能

精乎此君一生博則有之而精則未也

鞠花菊花也

禮記月令鞠有黃花釋文云本又作菊

按說文菊蓬麥也鞠日精也鞠治牆也日精治牆皆

九月黃花之別名而菊則為蓬麥爾雅釋草大菊蓬

麥本艸作翟麥通雅謂蓬麥即南天竺艸是菊與九

月黃花絕非一物特以形聲與菊相近而字又減

省故後世皆以菊稱九月黃花耳月令之鞠則鞠之

省非借用鞠謂之鞠也楚辭九歌春蘭兮秋蕸猶用

本字作一蹴

案花字並當改華禮經原文更不可錯省之而無

其字省也省之而有其字借也省之而有其字而非

其音省也省之而有其字而同其音借也鞠而作鞠

不得謂之非借也

儼

儼肅慎也後漢書東夷傳挹婁占肅慎之國孔融

傳肅慎貢楛矢杜篤論都賦獲昆彌虜儼注云字

書儼音真字書無儼字諸家並曰儼儼為栗續西域

國名也傳讀如此不知所出今有肅特國恐是也按

兩漢書無肅特國惟肅慎國疑特乃慎之訛儼儼

即肅慎也儼字雖不見字書然數有促音與肅相近

儼慎亦一音相轉也

案婁足同侯部蕭幽部

野塢野牧野也書武成牧野說文作塢野云地名

在朝歌南七十里廣韻作塢云塢野殷近郊地名古

文尚書作此說文作塢釋文牧徐一音茂引說文塢

字林音母茂牧三字皆一聲之轉周史作書或借

音之相近者用之而傳經者所受又各有異同也

案塢塢牧同部仙民音茂音難近而部已歧

慮事錄事也慮囚錄事也左傳宣其令尹為艾獵城

沂使封人慮事慮事即錄事也漢書傳不疑傳每行

縣錄囚徒還師古曰省錄之知其情狀有冤滯與否

也今云慮囚本錄聲之去者耳音力具反而近俗不

曉其意訛其文遂為思慮之慮失其源矣唐書百官

志大理寺掌折獄詳刑凡罪繫者五日一慮五代唐

明宗天成二年初令長吏每旬慮囚通雅云慮囚本

錄之去聲力具切遂訛為慮囚今京師呼錄布為慮

布菴豆為慮豆是可推也正字通云書康誥丕蔽要

囚蔽斷也呂刑其審克之言當盡其心也慮囚即蔽

審之義師古所云省錄猶蔽之審之不必謂慮即錄

去音按今官府錄問口詞尚云錄供謂不加決斷但

錄所供也俗讀皆如慮音則知慮囚即錄囚因聲沿

用無疑字通專從慮字生義反生膠葛古人文字多有如此因聲通用者正不必一字一義也

局

案慮錄雖不同部而音近北人讀入爲去正是古音趣局促也史記魏其武安侯傳今日庭論局促效

轅下駒趣本上聲有韻字古人多與促字同用史記

留侯世家趣刻印趣銷印曹參世家趣治行漢書高

帝紀趣丞相急定功行封皆與促同

案取足侯部有古音以屬之部總之平水韵難以說

古音

敦

敦者學者也高彪碑爲敦者宗又五十以敦按說文

敦覺悟也篆文省作學是敦學本一字重文書說命

惟敦學半廣韻敦今音效教也音義皆分禮記學記

引書作學學半兩字皆用重文而上一字讀胡孝反

是學字本有二體二音二義惟其所用而不分後世

分爲二字各主一音義遂莫有知其本爲一字者矣

然觀漢碑之以敦爲學禮記之以學爲敦則知說文

合兩字爲一字者非盡無說而字書家之培擊許氏

者可以息喙矣古文尙書學皆作敦據此又解是

辭氏

案鄭注云學人乃益已學之半學字上虛下實耳非



條達是何物率臣未對上曰真詰言安妃有金條脫  
為臂飾即今釧也真詰葛綠華贈羊權金玉條脫各  
一枚余按周處風土記曰仲夏造百索繫臂又有條  
達等織組雜物以相贈遺唐徐堅撰初學記引古詩  
繞腕雙條達後漢繁欽定情篇云何以致契濶繞腕  
雙跳脫南邵新書載溫岐卿云言跳脫出南華真  
經合狐淘怒之詩話總龜曰南華無此事蓋誤記也  
北夢瑣言跳作條非予謂此類物名本無正字皆以  
聲呼何拘之有王元美誤作跳置在今日改其字則  
不可

案二字之音蓋即肇於詩之挑達

潔白也契已潔已也詩小序白華孝子之潔白  
也廣韻云潔經典用契易說卦齊也者言萬物之潔  
齊也詩小雅楚茨契爾牛羊禮記經解契靜精微易  
教也左傳輶六契菜豐盛文選顏延之宋郊祀歌有  
在在滌有契在俎宋書書樂韓昌黎潮州祭神文吹擊  
管鼓侑香契也練作香契契皆以契為潔繁陽合楊  
君碑契已以仕隸釋云契即潔字魯峻碑樂於陵灌  
園之契梁休碑秉忠蹈契苑鎮碑契擬季文潔皆作  
契集韻云契清也與潔同



案潔後起字古但作絜梁周興嗣千字文絜潔並見

鵠

鵠也爾雅翼云鵠即是鵠音之轉後人以鵠名頗

著謂鵠之外別有所謂鵠故埤雅既有鵠又有鵠按

詩唐風從子于鵠叶白石皓皓鵠讀為鵠鵠轉去聲

乃與皓叶也瀉于髡獻鵠于楚舊註即鵠莊子天運

篇鵠不日浴而白疏云鵠古鵠字後漢書吳良傳贊

大儀報鵠髮見表憲王註鵠白髮也即鵠髮崔豹古

今注古琴曲有別鵠操韓昌黎集作別鵠操註云別

鵠操亦曰別鵠操梁書文學傳劉孝標辨命論龜鶴

千歲文選作龜鶴費昶書衣詩開韞舒龜鶴文選應

休連與岑文瑜書泥人鶴立于闕里三國志魏曹植

求通親親表實懷鶴立企仁之心敎鶴林法書要錄

鶴頭書一作鵠頭書稽康琴賦下逮誣俗蔡氏五曲

王昭楚妃千里別鶴鶴音鵠與曲叶漢書昭帝紀始

元元年黃鵠下建章宮太液池中因作歌名曰黃鵠

晉鈕滔母與從弟孝徵書民無役車之載鵠有乘軒

之飾此用左傳謂松衛懿公事亦以鵠為鵠今武昌

黃鵠樓下曰黃鵠磯亦一證也

案鵠皓同告聲何勞轉鵠而叶

五百伍伯也後漢書宦者傳曹節弟破石為越騎校尉越騎營五百妻有美色註韋昭辨釋名曰五百字

本為伍伍當也伯道也使之導引當道陌中以驅除

也案今俗呼行杖人為五百也三國志魏蔣濟傳註

引列異傳曰濟為領軍其婦夢亡兒泣曰今在地下

為泰山伍伍伯樵悴因辱不可復言古今註云伍伯一

伍之長也五人曰伍五長為伯故稱五伯按以為一

伍之長則當作伯以為導引當道陌以驅除則當作

陌與佰然古字音義相近者輒假借用之故百伯佰

皆可通也

案五長五伯並當作伍

柏迫也史記河渠書漢武帝瓠子歌魚沸鬱兮柏冬

日徐廣曰柏猶迫也漢書張耳傳上從東垣過貫高

等壁人柏人要之置廁上過欲宿心動問縣名為何

日柏人柏人者迫於人也通宿去此是高祖一時權

變之語實則柏與迫古字通用也北史宇文述傳述

素好奇遇天寒雲定與曰入內宿衛必當耳冷述曰

然乃製被頭巾令淡柏耳人學之名為許公謹述柏

勢吟賦黠劇亦以柏為迫也

案當時呼柏為迫故有此語

瑟居索居也

梁武帝詩瑟居超七淨瑟通作索按索

居之索本名色窄切如易之一索再索史記留侯世家

之大索地名之京索皆作此音繩索之索其字從米

從糸作索求索索索之索其字從門從索作索兩字形

雖相近而音義俱別今字既通混用索而聲亦概讀

為蘇各切矣互見前瑟瑟條

索索並蘇各切此反切之可通今古者蓋讀各為

格為路則古音矣各之古音本如路也瑟必聲古音

屬至部與索索皆不相涉梁武瑟居自是六朝變音

非古也

銅

歷銅鬲也

史記滑稽優孟傳銅歷為棺歷即金鬲

之鬲按金鬲之鬲本音歷廣韻載在錫部與麥部鬲

字讀如鬲者聲義俱別說文鬲字重文作歷銅歷即

銅歷也或以同音借用不則歷字之謬耳

歷不可言謬

驛

奕奕奕驛驛廣釋釋也

詩魯頌駉篇以車釋釋釋文

云崔作驛驛驛廣釋名曰奕奕之下子亦謂其連絡奕

奕也周禮註引詩魯頌閟宮新廟奕奕作釋釋奕奕

與釋釋義同說文引商書閟宮雲生半有半無今書

無此語蓋逸書也閟閟亦釋釋之義書洪範曰雨曰

齊曰蒙曰驛曰克史記微子世家作曰兩曰濟曰涕  
日霧曰克濟即霽霽即蒙涕即驛涕下注云尚書作  
圍蓋古文尚書驛字本作圍圍與驛釋義並同  
案當作尚書曰圍圍升雲半有半無曰圍句洪範本  
文也圍升雲半有半無句經師說經語也洪容齋黃  
公紹誤引為書逸文讀圍圍升雲為句閻潛邱亦沿  
其誤

赤

寸尺也赤牘尺牘也 文獻通考漢赤者十寸之

赤也禽經雉上有丈鷄上有赤雉上飛能丈鷄上飛  
能尺赤與尺通字彙補云尺牘古作赤牘

案宋游師雄墓志奉只赤之書趙子函跋云赤與尺

通楊用修以尺牘為赤牘本之禽經云云王元美又

引華山石闕云高二丈二赤平等寺碑云高二丈八

赤而疑其隱僻據此志則宋已多用之非僻也

所

薪析薪也 魯峻碑所薪弗何隸釋云以所為析按

書堯典厥民析古文尚書作所

案說文片判木也鼎易卦巽木於下者為鼎象析木

以炊也案鼎下蓋反正二片古鐘鼎彝器銘每云鼎

子孫鼎釋為析即所字所從斤從片於義固通然漸

其初恐即鼎字耳

玉緘玉戚也

後漢書輿服志引禮曰朱干玉緘冕而

舞大夏禮記

此之謂也按禮記明堂位本作戚

鄭康成曰戚斧也

廣韻作鉞又云本亦作戚至緘字

音戚縮也音義皆不與鉞戚同或以形近借用也

音戚亦或聲仍是音借非關形近也

識方職方也

修華岳碑周禮識方氏集古錄云以識

方氏為職方氏其字畫分明非訛缺疑當時周禮之

學自如此蓋識誌其義皆通也

案識職二字古今異用漢碑識方乃其本字

疆志疆識也

漢書劉歆傳現離衍父子俱好古博聞

疆志師古曰志記也按今人皆用疆識識讀去聲與

志同音故遂通用志

案說文職記微也應是疆識本義識借字耳志乃徐

氏新增文

尅長尅君克長克君也

詩大雅本作克衡方碑變用

尅按說文力部効自強也從力從克刀部無尅字克

長克君之克義當用効古通用克隸書變力作刀訛

也廣韻効効並收剋註剋己又必也殺也急也仍是

克効二字之義玉篇又有尅字變從寸皆非

案說文作尤極也小徐作尤劇也毛氏刊改本從之

尤極也

小徐作尤劇也毛氏刊改本從之



鐘銘高弘有慶匍及四方言四方匍匐歸命也百亦

借音作匍

案百匍音無可借恐是古篆借富爲之字稍剥蝕與

古文百匍相似遂誤仍耳

慘燥燥淫也 郁閣頌驛散關之嶄燥徙朝陽之平慘

慘卽燥字說見第四卷廣川書跋云燥當作溼隸辨

云說文濕從耳如顯亦從耳校尉熊君碑顯皆

而譌日爲田耳如顯亦從耳校尉熊君碑顯皆

爲顯與濕之爲濕正同漢書景武昭宣元成功臣表

有濕陰定侯昆邪地里志霍去病傳王莽傳皆作濕

陰則濕燥本是一字按燥濕之濕說文本作溼徐鉉

說文繫傳曰今人不知有此溼字以濕爲溼非是五

經文字云濕他而反兖州水名經典以濕爲溼非是五

之濕漢書王子侯表濕成侯忠景武昭宣元成功臣

表馴望侯令廣以濕沃公士告男子馬政謀反侯師

古皆音它合反卽今孟子論濟溼之溼蓋濕本水名

溼乃濕之省本屬一字自後人以濕水之溼爲燥溼

之溼音義並改而溼乃專爲濕水之本字與濕字音

義遂分此碑以濕既借爲溼因亦借燥爲溼故人莫

得詳其相通之故也

案据此知漢時燥溼字已通行作濕而接字尚無它  
合切之讀碑書作溼祇是濕之變體其意以濕代溼

耳

接武接武也

李陽冰龔耶縣令碑龜麟接武按說文

手部接交也

木部接續木也是交接與接續各為一

字今但通用接置接字不用陽水精于六書故此碑

猶從古用字接非別體以今人少見故亦存之卷中

如此類者多有讀者須分別觀之

案此意當於首卷先出之條著之

要

竭乏竭也

唐書宋務光傳公私要竭戶口減耗按

漢書武帝紀夫泛駕之馬師古曰泛覆也音方勇反

字本作要後通用耳要字形與乏近故借作乏此韻

學集成所引唐書如此今汲古閣本已刻作乏不作

要未知集成所據何本

案要亦乏聲故借用非緣形近